

# ԻՐԱԴՐՈՒԹՅՈՒՆԸ ԼՂԻՄ-ՈՒՄ

Երեկ բազմահազար ստեփանակերտցիներ հավաքվել էին Ռադախի Հաղթանակի հրապարակում: Նրանք այստեղ էին եկել Հայկական ԽՍՀ պետական և ազգային եռագույն դրոշներով, լուգունգներով, տրանսպարանտներով, «Արցախի փրկությունը մայր Հայաստանի հետ միացումն է», «Առանց հետաձգման անհապաղ լուծել Արցախի պրոբլեմը», «Հանձնաժողովին՝ միայն օրյեկտիվություն», «Ապահովել ազգերի ինֆորմացիան»: Արտոնված միտինգը նվիրված էր ԽՍՀՄ Գերագույն խորհրդի հանձնաժողովի աշխատանքների ընթացքին:

Միտինգում Ելույթ ունեցողները պահանջեցին Արցախի պրո-

լեմը անհապաղ ներկայացնել ԽՍՀՄ Գերագույն խորհրդի ներկա նստաշրջանի բննարկմանը: Մանրամասն ինֆորմացիա տրվեց ԽՍՀՄ ժողովրդական դեպուտատների համագումարի հանձնառությունը Լեռնային Ղարաբաղում գտնվող հանձնաժողովի աշխատանքների մասին: Նշվեց, որ հանձնաժողովի տասն անդամները և ԽՍՀՄ Գերագույն խորհրդատուները բաժանվել են խմբերի և չափում են առավելագույն արդյունավետությամբ օգտագործել մարզում լինելու ամեն մի ժամը:

Հուլիսի 20—26-ը ներառյալ հանձնաժողովի անդամները հան-

դիպումներ են ունեցել մարզի ֆաղաների և շրջանների աշխատավորական կոլեկտիվների հետ, գրույցներ ունեցել երկրամասի կենսագործունեության գանազան պրոբլեմների շուրջը:

Միտինգում Ելույթ ունեցան ԼՂԻՄ հատուկ կառավարման կոմիտեի պատասխանատու աշխատող Վալերի Ղազարյանը, Լեռնային Ղարաբաղի պոլիգրաֆիկավորման գլխավոր դիրեկտոր Յուրի Ներսիսյանը, բուժաշխատող Տամարա Շվեդովը, «Միացում» համազգային կազմակերպության խորհրդի անդամներ Գեորգու Արանեսյանը և Լևոն Միրզոյանը, ժողովրդական դեպուտատ Սամվել Գալստյանը, գրողներ Գուրգեն Գաբրիելյանը և Հրաչյա Բեգլարյանը, Վրացական ԽՍՀ-ի և Շահումյանի շրջանի

գյուղական աշխատավորական ներկայացուցիչները և ուրիշներ, որոնք իրենց Ելույթներում միաբերան պահանջեցին ոչ մի կերպ չբնտանջել Արցախի հարցի լուծումը:

Միտինգի մասնակիցների անունից դիմում հղվեց ԽՍՀՄ Գերագույն խորհրդին՝ առանց հետաձգելու բննարկել և դրական լուծում տալ Արցախի հայության արդարացի պահանջին:

Հանձնաժողովը կշարունակի իր աշխատանքները մարզի շրջանակներում մինչև հուլիսի 30-ը: Ղարաբաղցիները մեծ սպասելիքներ ունեն այդ հանձնաժողովի աշխատանքների արդյունքներից:

**Լ. ՄԿՐՏՅԱՆ**  
(Մեր սեփ. թղթ.)

ՍՏԵՓԱՆԱԿԻՄՍ